

কহিলেন—“হে প্রিয়ে ! এই মার্কণ্ডেয় শ্রীভগবানে সমাধিযুক্ত হইয়া আছে, আমরা নিকটে গেলেও চক্ষু মেলিয়া চাহিবে না।” তখন দেবীর অতিশয় আগ্রহে শ্রীশঙ্কর মার্কণ্ডেয়ের নিকট যাইয়া অনেক করিয়া ডাকিলেন । কিন্তু তিনি চক্ষু মেলিয়া চাহিলেন না এবং তাঁহাদের কোন আত্মান শুনিলেন না । তখন সেই শ্রীরুদ্র ও তৎপত্নী শ্রীশঙ্করীর আগমন শ্রীমার্কণ্ডেয় জানিতে পারেন নাই । যতপি শ্রীরুদ্র ভগবানের অংশ এবং শ্রীশঙ্করী শ্রীভগবানের অংশশক্তি—এই বলিয়া জগতের আত্মা অর্থাৎ নিয়ামক, তথাপি তাঁহাদের আগমন না জানিবার কারণ “রুদ্ধধীরুতিঃ” ; অর্থাৎ মার্কণ্ডেয় শ্রীভগবানে আবিষ্টচিত্ত ছিলেন বলিয়া নিজের ও এই বিশ্বের কোন খবর লইতে পারেন নাই । এস্থলে অসম্প্রজ্ঞাত নামক ব্রহ্মসমাধি হইতে এই সমাধির পার্থক্য বুঝিতে হইবে । যেহেতু এই শ্লোকের পূর্বে ১২।১০।৬ শ্লোকে উল্লেখ করা হইয়াছে—“ভক্তিং পরা ভগবতি লব্ধবান্ পুরুষেহব্যয়ে”, অর্থাৎ সেই শ্রীমার্কণ্ডেয় অব্যয়পুরুষ শ্রীভগবানে পরাভক্তি লাভ করিয়াছিলেন । অতএব এস্থলে বুঝিতে হইবে শ্রীমান্ মার্কণ্ডেয় শ্রীভগবানে প্রেম-সমাধি লাভ করিয়াছিলেন ॥ ২৭৮ ॥

কচিল্লীলাদিযুক্তে চ তস্মিন্নগ্রন্থাশ্রুতিঃ সমাধিঃ স্মৃতা । যথাহ—উরুক্রমশ্চাখিলবন্ধ-
যুক্তয়ে সমাধিনানুস্মর তদ্বিচেষ্টিতমিতি ॥ ২৭৯ ॥

স্পষ্টম্ । এতদ্রূপো দাসাদিভক্তানাম্ । পূর্বস্তু প্রায়ঃ শান্তভক্তানাম্ । স্বহৃথ-
নিভৃতচেতাস্তদ্ব্যদস্তাত্ত্যভাব্যেহপ্যজিতরুচিরলীলাকুণ্ডসার ইত্যাদ্যুক্তিভ্যঃ ১।৭ ॥
শ্রীনারদো ব্যাসম্ ॥ ২৭৯ ॥

অথ কুচিঃ শক্তিঞ্চ চেত্তদপরিত্যাগেন পাদ সেবা চ কৰ্ত্তব্য । সেবাস্মরণসিদ্ধার্থঞ্চ সা
কৈশ্চিৎ ক্রিয়তে । তথাচ বিষ্ণুরহস্তে পরমেশ্বরবাক্যম্—ন মে ধ্যানরতাঃ সম্যক্
যোগিনঃ পরিতুষ্টয়ে । তথা ভক্তিঞ্চ দেবর্ষে ক্রিয়াযোগরতা যথা ॥ ক্রিয়াক্রমেণ
যোগোহপি ধ্যানিনঃ সংপ্রবর্ততে ॥ ইতি ॥ যোগোহত্র সমাধিঃ । পাদসেবায়াং
পাদশব্দো ভৌত্যেব নির্দিষ্টঃ । ততঃ সেবায়াঃ সাদরত্বং বিধীয়তে । সেবা চ কাল-
দেশোদ্যুচিতা পরিচর্যাদিপর্যায়্যা । সা যথা—যৎপাদসেবাভিরুচিস্তপস্বিনামশেষ-
জন্মোচিতং মলং ধিয়ঃ । সতঃ ক্ষিণোত্যন্বহমেধতী সতী যথা পদাঙ্গুষ্ঠবিনিঃসৃত্য
সরিং ॥ ২৮০ ॥

তপস্বিনাং সংসারতপ্তানাং মলং তত্তদ্বাসনাং ত্বৎপাদশ্চৈবৈষমহিমেতি দৃষ্টান্তেনাহ,
যথেন্তি ॥ ৪।২৭ ॥ পৃথুঃ শ্রীবিষ্ণুম্ ॥ ২৮০ ॥

কোনও কোনও অধিকারীতে লীলাদিযুক্ত শ্রীভগবানে অন্য অশ্রুতি
লক্ষণ অর্থাৎ শ্রীভগবান ও তাঁহার লীলাভিন্ন অন্য কিছু শ্রুতি না হওয়া রূপ
সমাধি হইয়া থাকে । তাহাই ১।৫।১৩ শ্লোকে দেবর্ষি নারদ বেদব্যাসকে
বলিয়াছেন—